



UNIVERSITÄTS-
BIBLIOTHEK
PADERBORN

Universitätsbibliothek Paderborn

Aphorismi Confessariorvm Ex Doctorvm sententijs collecti

Sá, Manuel de

Coloniae, 1610

Infamia.

urn:nbn:de:hbz:466:1-41645

*Infamia, vide Irregularitas,
Iudiciales actus.*

1 Infamia facti fit crimine notorio, vel opinione multorum proborum virorum; non sufficit autem rumor sparsus, & creditus apud aliquos, nec si sit ortus ab inimicis; nec si quis in iudicio sit confessus; non enim habetur confessus pro condemnato: nec si per Procuratorem litigans condemnetur. Tollitur vero per factum contrarium. Repellit autem, dum durat, à dignitate, à iudicando (non autem ab arbitrando) procurando, testificando in causa criminali, accusando, postulando, & ab Ordinis susceptione, aut beneficii.

* Vide Sylu. vers. Infamia, cap. 1. Fum. eod. 1. Tollitur Syl. l. c. 7.

2 Infamia Iuris fit sententia definitiva super crimine publico, aut quibusdā priuatis, vt furto, vsura, sacrilegio, incestu, homicidio, periurio, adulterio, veneficio, (vide 6. q. infames.) & aliquando iplo facto, vt si quis in adulterio deprehendatur, aut duas habeat uxores, aut sponfas. Quidam tamen aiunt, semper requiri sententiam. Tollitur autē per principem non agnoscentem Superiorem.

* Vide Syl. nu. 8. & 9. l. c.

3 Infamia iuris tollit Ordinis executionem, & dignitatis exercitium, & honorem, & repellit

pellit à beneficij, & Ordinis successiope. Dispensat autem Papa, & in quibusdam Episcopis.

*Vide Syl. l. c. nu. 15. Fum. num. 4.

4 Infamis Iure Ciuili, regulariter est etiam infamis Iure Canonico. * Syl. l. c. nu. 11.

5 Ob crimen læsæ maiestatis infames sunt etiam filij & nepotes.

6 Infamia ex delicto proprio, aut parentum, tollitur Baptismo.

Infamare, & fama, vide Confessio, Iniuria, Iudiciales actus.

Infamare se grauitur, & falso, mortale est peccatum, & cum obligatione restitutionis, secundum quosdam: quod vtrumque alij negant. At *Aug. 1. de ciuitat. c. 20.* mortale esse indicat: certè in re valde graui ita videtur: imò etiam cum se quis infamat verum dicendo, potest & id mortale esse, ex scâdalo, vel damno sequenti; alioqui proprium peccatum proderet, veniale est: qui verò facit timore tormentorum, etiam se ea proditiōe periculo mortis exponens, nec videtur condemnandus peccati, nec obligandus ad restituendum, vel sibi, vel alteri, qui fortè ex eo læditur. Licet etiam proderet tuum crimen, cum vides alteri falso imponi, sed non teneris, potes etiam tacere, cum tibi crimen imponitur, quod alius fecit.

*Morta-